

INUIT ATAQATIGIIT

INATSISARTUNI



Nuuk, 06. november 2012

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Apeqqutit:

1. Niuertarfinni tupanik nioqquteqartarnerup tamanut ersiinnartumiigunnaarsinneqarnissaat Naalackersuisut suliniutigilersaarpaat?
2. Nunat tamalaat akornanni peqqinnissaq pillugu suliniaqatigiiffissuaq WHO, tupa akiorniarlugu nunat amerlaqisut atsiugaannik peqarpoq "WHO FCTC (Framework Convention On Tobacco Control) – Nunatta tamatumingga atortuulersitsinissaa Naalackersuisut pilersaarutigaat?
3. Pisortat suliffeqarfiutaanni, sulinerup nalaani pujortartarnerup unitsinneqarnissaanut Naalackersuisut qanoq iliulersaarpat?
4. Pisortat suliffeqarfiutaanni, suliffeqarfinnilu allani pujortaqqusiunnaartoqaraangat qanoq kinguneqartarnersoq, nunani allani misilittakkanik pitsaasunik Naalackersuisut tikkuussisinnaappat?
5. Peqqinnissaqarfimmi naartusut sullinneqartarneranni, kisitsisaatigineqarnerluni naartusunit procentit qassit pujortartuunersut?

(Inatsisartuni ilaasortaq Juliane Henningsen, Inuit Ataqtigiiit)

Tunngavilersuut:

WHO-p paasissutissaatai malillugit nunarsuarmi tupamik toqquteqartartut inuit 5 mio. missaaniipput. Tupa tassaavoq nappaatinut toqqutaasartunut pissutaaqataasartut annerit ilaat. Pujortartarneq akiorniarlugu qanoq iliuseqaqatigiinnissaq pingaaruteqarpoq, taamaattumik apeqquteqaatit aallaavigalugit inuiaqatigiinni oqallinnissaq kissaatigaara. Ilaatigut naartusut pujortartartut qanoq amerlatigisut kisitsisinngorlugit paasiniarpara, Naalackersuisut periusissiaanni naartusunut immikkut iliuseqarnissaq siunniunneqarmat.

Innuttaasut peqqissusaannik misissuisitsinermi kingullermi paasisat malillugit nunatsinni innuttaasut inersimasut 66 %-ii pujortartarput. Meeqqat atuarfianni atuartut angajullit affai ullut tamaasa pujortartarput, tamannalu paasillugu Inuit Ataqtigiiit aarleqqutigaarput. Kissaatigaarpullu nukiit tamaasa atorlugit tupamik akiuniarneq nukittorsarneqassasoq.